

## 2 TESALONAYKA

### Pol Mij Kidek Ak Tesalonayka

### Binib Kilop Tikak

<sup>1</sup> Chin Pol ayip, Saylas ayip, Timoti ayip, chin mij anib ak ñu kil tikobun. Tikil, nibi Klays binib ne man awl Tesalonayka pelpel apnan gipim ak nibop ñobun. Nibi Bapi God chin ayip Biawl Jisas Klays ayip midebim. <sup>2</sup> Apilmajal ak nibop yimug niñid gitep gel midtep ginimib.

*Tesalonayka binib kilop gi timel geligipal ak pen, kili kiles yibil gil yeligipal*

<sup>3</sup> Mam sikop, Klays nop gos linepim ak, nibi gem tap awl yibil ameb. Pen ne yil midebim okok penpen mapen lil ditep yibil gipim ak, gem tap awl yibil ameb. Anib ak chin niñid, God nop tep agilig yonigun. Chin anigipun ak, teplep yibil. <sup>4</sup> Klays nop gos nigem, binib oginap nibop gi timel gel koslam midebim ak pen, gos anib ak ma niñid, nop gos kiles timel yibil linigilig midebim. Anib ak binib oginap God yil midebal man keke okok, kilop pel apun, Tesalonayka binib anigipal, yib kilop dad aplanigun apun.

<sup>5</sup> Binib oginap nibop gi timel gel nibi kiles gil Klays nop chig tep gebim. Anib ak chin nopun, God binib ne kilop niñid tig asikil tap teplep ñinigab ak, tep yibil ginigab. God binib okok midupsek tig asikinigab ak, ne tap gitep gipim okok

---

**1:1** Apo 17.1, 1 Te 1.1    **1:2** Lom 1.7    **1:3** 1 Te 1.2-3, 2 Te 2.13

**1:4** 2 Ko 7.4, 7.14, 1 Te 2.19, Lep 1.9    **1:5** Plp 1.28

ninid nibop aginigab, Nibi binib tep yibil midebim, owim aginigab. Yad nibop binib yad agil dil, kod yenigayn aginigab. Nibi God binib dil kilop kod yenigab nin ak gos nepim ak nim, minil nibop minel nelaknin dilig midebim. <sup>6</sup> God pen tap ninid yibil anep gup ak nim, binib nibop minel nilig midebal okok kilop pen minel ninigab. <sup>7</sup> Pen nibop abe chinop abe, binib ne minel kunay yibil dilig midobun okok, God chinop gitep yibil gek midtep ginigabun. Biawl Jisas misen apil, ensel kiles timel ne okok ponid mab yineb sek ownigab nin anib ak, God ne anigil chinop gitep ginigab. <sup>8</sup> Jisas ne pen binib God nop ma ninid kud nibal, Biawl chin Jisas takaw telep nop ak kidek ma gipal okok, kilop pen gi timel gil yipil awl ninigab. <sup>9</sup> Binib anib okok, Biawl tap telep ne ak ma ninid, kiles ne abe ma niginigabal. Kili Biawl yenigab wulep sinjak ma yenigabal. Pel pelnep gol okok midil yipil awl dilig yenigabal. <sup>10</sup> Pen ownigab nin anib ak tikil, binib suntep ne nop gos linepal okok, gos kili ak am nop komkam gil, yib nop dad aplanigabal. Pen nibi takaw nop ak agonok nepek tek, chin ayip aniginigabun.

<sup>11</sup> Anib ak ninid God chin ak nop pel agninid apun, Nad ke Tesalonayka binib kilop aglil dinak okok kod yemin apun. Gos kili nepal pal ak, nad kilop kiles gil gitep ge nigtep ginigabal apun. Nigtep gil, binib gitep gep okok midil, Klays nop gos nigilig, wog titay ginigel okok am tep ginimun

---

**1:6** Lom 12.19, Lep 18.6-7    **1:7** Mat 25.31, 1 Te 3.13, 4.16    **1:8** Sng 79.6, Ais 66.15, Jer 10.25, Lom 2.8, 1 Pi 4.17    **1:9** Ais 2.10, 2.19-21, Plp 3.19, 2 Pi 3.7    **1:10** Sng 68.35, 89.7, Kol 3.4, 1 Te 3.13  
**1:11** Kol 1.9, 1 Te 1.2-3

apun. <sup>12</sup> God nop agnopun anib ak, God ayip Biawl Jisas Klays ayip kili apilminal nibop yimug niñid gitep ginimil. Gel, takaw agnopun anib ak niñid, pen gipil tek, Biawl chin Jisas yib nop dad aplanimib ak, ne abe yib nibop dad aplanimun.

## 2

### *Bi God takaw tibilikep ownigab*

<sup>1</sup> Mam ay sikop, Biawl chin Jisas Klays adikid apil chinop di jimnek, ne ayip yonigabun takaw ak aginigobun. Takaw chin anib ak, nigilig yenimib. <sup>2</sup> Pen binib oginap nin awl ne pisnep owak apal ak niñid, ju dil gos awl anib ak ma niginimib. God gos nek agobun akan, God takaw agnek agobun akan, Pol bi okok mij olap tikil takaw anib ak tek agel agobun agenigel, takaw kilop ak ma dinimib. Chin mij anib ak tek agil ma tikipun. <sup>3</sup> Nibi nigtep gem, nibop yepis ma agenigel. Mel yibil. Nin awl anib ak ownig gакnñ, binib kunay yibil kili ned God nop keligil, monmon ginigabal. Anib gilaknñ, bi timel God takaw tibilikep ak misen lil anib ginigab. Bi anib ak kidek mab ke yineb amnigab. <sup>4</sup> Ne tap yepis tap awl yibil agil agnepal okok, kilop agjuwil aginigab, Yad nokom Biawl midebin aginigab. Agil, God agnigep kal awl ak am besigil aginigab, Yad ke God aginigab. <sup>5</sup> Yad nib ayip midil, bi anib ak ned apil aniginigab agil nibop aginek ak pen, sawl gipim tek lup. <sup>6</sup> Pen nib nepim, tap olap kanib tikup ak nim, miñil bi timel anib ak aniginimun tek ma

---

**1:12** Ais 24.15, Mal 1.11, 1 Pi 1.7, 4.14    **2:1** Mat 24.31, 1 Te 4.13-17  
**2:2** Mat 24.4, Epe 5.6, 1 Jo 4.1    **2:3** Jon 17.12, 1 Ti 4.1, 1 Jo 2.18, 4.3, Lep 13.11-14    **2:4** Dan 7.25, 11.36, Ese 28.2, 1 Ko 8.5, Lep 13.6

lup. God ne ke aglak ñin ak apek, bi timel ak misen lil aniginigab. <sup>7</sup> Pen miñil ñin awl, bi God takaw tibilikep apil ginigab ak, bi oginap kili kimigel we gil, bi anib anop kidek gebal. Bi olap pen, kanib pil gil midakniñ, bi God takaw tibilikep ak binib ne okok ap kid ne okok dad amnimun tek ma lup. Pen bi kanib pil gil mideb anib ak nop dad ke okok amek, <sup>8</sup> bi God takaw tibilikep ak ap misen linigab. Misen lek mid dad amil, Biawl Jisas ne apil yigen bad ne ak nop paklinigab. Biawl ne miñilan sek apil, miñilan anib ak ke bi God takaw tibilikep nop gi timel yibil ginigab. <sup>9</sup> Pen Biawl Jisas ma ownigab ñin ak, Satan bi timel anib anop bak lil kiles ñek, binib okok kilop yepis agin agil, wog kiles timel gil tap mageptek keke yepis okok ginigab. <sup>10</sup> Anigil tap yepis nep oginap gek, binib kanib timel okok ajinigabal okok, niñid agup agil nigiginigabal. Binib anib okok, kili God takaw niñid yibil won ak ma nigel kilop ma dinigab. Anib ak tek kili pisnep kul ginigabal. <sup>11</sup> Anib ak God gos kilop ak pak sawl gek, takaw yepis pal ak kidek ginigabal. <sup>12</sup> Anib ak nim, binib takaw niñid yibil nop ak ma nig dil, tap timel okok gel tep ginigab okok, God kilop midupsek ag gek, kili yipil awl yibil ak dinigabal.

*God nibop aglil agup, Tig asik dinim agup, anib ak nop niñid kiles gil yenimib*

<sup>13</sup> Mam sikop, Biawl nibop mapen yibil lup,

---

**2:7** 1 Jo 2.18, 4.3    **2:8** Jop 4.9, Ais 11.4, Dan 7.10, Hib 10.27, Lep 19.15    **2:9** Mat 24.24, Jon 8.41, Epe 2.2, Lep 13.11-13, 18.23, 19.20

**2:10** 2 Ko 2.15, 4.3    **2:11** Mat 24.5, 24.11, Lom 1.24, 1 Ti 4.1, 2 Ti 4.4    **2:12** Lom 1.32    **2:13** Luk 1.75, Jon 15.16, Epe 1.4, 1 Te 4.7, 5.9, 2 Te 1.3

chin pel nibop niñid God nop tep aginigungun. God ne ned nibop aglil dinigayn agil, Kawnan ne ak agyokek, apil nibop gos ñak. Gos ñek, takaw niñid yibil ak gos niñid mid dad amil, binib suntep ne yibil midebim. Anib ak nop tep aginigungun. <sup>14</sup> Pen God ne ke nibop aglil, Biawl kili Jisas Klays kiles ne ayip pelpel midtep gilara agil, suk agil agek, takaw teplep ak nibop agonok nepek. <sup>15</sup> Anib ak nim mam ay sikop, takaw pel agnon nepek ak sek, mij tikil agon nepek ak sek, niñid kiles gil ditep yibil ginimib.

<sup>16</sup> Chin nibop gos niñid, Biawl chin Jisas Klays ayip Bapi God chin ayip kilop agnopun. God ne chinop midupsek mapen lil yimug niñid gitep yibil gek, chinop pel kod yenigab agil gos sek midobun.

<sup>17</sup> God ne nokom gos timud teplep ñonimun, takaw tep midupsek agilig, wog tep midupsek gilig yenigabim.

### 3

#### *Nibi chinop gos niñid, God nop agniginimib*

<sup>1</sup> Mam ay sikop, takaw kidek miñil aginigungun. Nibi God nop agnigilig midem, ne chinop giñinimun. Giñek, Biawl takaw ne ak agnon, kasek kid kid amnimun. Anigil amek, nibi ned takaw anib ak niñid dil Biawl nop tep apek tek, miñil binib man okok kili abe niñid dil nop tep aginigel.

<sup>2</sup> Pen tap olap nop agnigem, bi timel kili gitep ma gipal okok, chinop tap olap ginigel tek ma linimun. Taynen? Binib kunay yibil Biawl nop gos

---

**2:15** 1 Ko 11.2, 16.13, Plp 4.1, 2 Te 3.6    **2:17** 1 Ko 1.8, 1 Te 3.13, 1 Pi 5.10    **3:1** Epe 6.19, Kol 4.3, 1 Te 5.25    **3:2** Apo 28.24, Lom 10.16, 15.31

ma linepal. <sup>3</sup> Pen Biawl ne tap niñid nep ak gin agil ginigab. Niñop kiles ñil kod midakniñ, Satan niñop gi timel ginimuj tek ma linigab. <sup>4</sup> Pen Biawl chinop gos ñek niñid, apun adek ak nibi niñid adek anib ak nep gebim. Kidek abe anib ak nep ginigabim. <sup>5</sup> Biawl Jisas Klays nop agniñid apun, Kilop gos tep ñenimin, God ne binib mapen lup tek niñid, kili abe ginigel apun. Pen nad yul awl dinak ak God takaw ne ma keliginak tek niñid, kili abe ginigel apun.

*Binib nibi okok midupsek yilik ma niginigel*

<sup>6</sup> Mam sikop, Biawl chin Jisas Klays agñinimib agak tek niñop agobun. Binib Klays yil midebal oginap, kili wog ma gil yokip yibil midil, pel apun tek ma genigel, kili ayip takaw dayday ma aginimib. <sup>7</sup> Nibi ke nepim, chin nib ayip midil goligipun adek ak genimib, tep ginigab. Chin yokip ma yoligipun. <sup>8</sup> Binib oginap tap midup kilop yokip ma doligipun. Subnab maynab ayan kiles chin ak ke gil tiñil yipil gil, tap keke okok dil tap midup ñiboligipun. <sup>9</sup> Chin bi Jisas takaw nop dad ameb okok midobun tek, niñop agniñid tap monmon dil ñibinop ak pen, niñop kanib tep adek ak yomon niginimib agil, ke tiñil yul gil tap ñiboligipun. <sup>10</sup> Pen nib ayip midil kiles gil aginok, Binib wog ma gipal okok tap ma ñiniginigel aginok ak, nibi nepim. <sup>11</sup> Pen miñil takaw olap nigobun.

---

**3:3** Jon 17.15, 1 Ko 1.9, 1 Te 5.24, 2 Pi 2.9    **3:4** 2 Ko 7.16, Gal 5.10, 1 Te 4.10    **3:6** Mat 18.17, Lom 16.17, 1 Ko 5.11-13, 1 Te 3.11-13, 1 Ti 6.5, 2 Jo 10    **3:7** 1 Ko 4.16, Plp 3.17, 1 Te 1.6    **3:8** 2 Ko 11.9, 1 Te 2.9    **3:9** 1 Ko 9.4-6, 1 Te 1.6    **3:10** 1 Te 4.11    **3:11** 1 Ti 5.13, 1 Pi 4.15

Binib nibi oginap wog ma gil, yokip yibil midilig, bi oginap tap kili gipal ak nigilig takaw dilig apal. <sup>12</sup> Biawl chin Jisas Klays agninimib agak tek nibop agobun. Binib anib okok kilop takaw kiles gil agobun, kili wog ke gil, tap nibilig kimigel midtep ginigel agobun. <sup>13</sup> Pen mam ay sikop, taynen wog gitep gobun agil yilik ma ninid, gitep gilig gem amnimun. <sup>14</sup> Takaw mij tikil agobun ak, binib oginap ma nigenigel, binib anib okok kilop nigtep gil takaw dayday ma aginimib. Nibi ke midem kilop nebej ginimun. <sup>15</sup> Pen kilop milik ma niginimib. Mam chin agil agnitep ginimib.

### *Takaw day won oginap*

<sup>16</sup> Biawl Jisas binib kod midek midtep gipal ak, nibop kod yonimun, titay ginigab ak midtep gilig yenimib. Biawl nibi ayip pel yonimun. <sup>17</sup> Yad Pol. Mij awl takaw kidek won ak, yad ke tikil nibop ag dideg lebin. Mij yad tikipin okok, midupsek anib awl nep tikipin tek ak nim, niginigabim. <sup>18</sup> Pen Biawl chin Jisas Klays ne nibop midupsek yimug ninid gitep ginimun.

---

**3:12** 1 Te 4.11  
5.14, Tat 3.10

**3:13** Gal 6.9  
**3:16** 1 Te 5.23

**3:14** 1 Ko 5.9-11  
**3:17** 1 Ko 16.21

**3:15** 1 Te

## **Jisas Klays Takaw Teplep Ne Tay New Testament**

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 22 Feb 2024 from source files dated 29 Jan 2022

24d09cce-9a93-523a-afa5-7b091c264cee